

# Møteprotokoll

**Utval:** Jostedalsbreen nasjonalparkstyre  
**Møtestad:** Feltstasjonen, Norsk Bremuseum i Fjærland  
**Dato:** 07.04.2014  
**Tidspunkt:** 10:00 – 13:30

## Følgjande faste medlemmar møtte:

Namn	Funksjon
Einar Målsnes	Medlem
Gunnvor A. Sunde	Medlem
Oddmund Klakegg	Medlem
Ivar Kvalen	Leiar
Eline Orheim	Medlem
Sven Flo	Nestleiar

## Følgjande medlemmar meldte forfall:

Namn	Funksjon
Karen Marie Hjølmeseter	Medlem
Olve Grotle	Medlem
Nils P. Støyva	Vara

## Frå administrasjonen møtte:

Namn	Stilling
Maria Knagenhjelm	Nasjonalparkforvaltar/Sekretær
Anne Rudsengen	Statens Naturoppsyn Jostedalsbreen

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

---

## Saksliste

Utvals- saksnr	Innhald	Lukka	Arkiv- saksnr
ST 1/14	Godkjenning av innkalling og dagsorden		
ST 2/14	Val av to styremedlemmer til å skrive under protokoll		
ST 3/14	Orienteringar		
ST 4/14	Jostedalsbreen nasjonalpark - løyve til stimerking mellom Sunndalssetra og til fylkesgrensa mot Oppland		2013/2989
ST 5/14	Jostedalsbreen nasjonalpark - løyve til filming med multikopter (drone)		2014/1411
ST 6/14	Jostedalsbreen nasjonalpark - løyve til ombygging av Kvannebakkbu		2013/4846
ST 7/14	Jostedalsbreen nasjonalpark - løyve til oppsetting av bru i Haugadalen		2014/1463
ST 8/14	Jostedalsbreen nasjonalpark - løyve til helikoptertransport til Kvannebakkbu		2014/1405
ST 9/14	Jostedalsbreen nasjonalpark - løyve til helikoptertransport til Flatbrehytta		2014/1396
ST 10/14	Jostedalsbreen nasjonalpark - midlar til forvaltning og tiltak 2014		2014/1223
RS 1/14	Jostedalsbreen nasjonalpark - kandidat til besøksstrategi		2013/3024
RS 2/14	Miljøvedtaksregisteret og plikt til registrering av enkeltvedtak i verneområder		2014/1040
RS 3/14	Riksrevisjonens undersøking av forvaltninga av nasjonalparker		2014/1315
RS 4/14	Jostedalsbreen nasjonalpark - rundskriv om forvaltning av verneforskrifter		2014/1141

## **ST 1/14 Godkjenning av innkalling og dagsorden**

### **Saksprotokoll i Jostedalsbreen nasjonalparkstyre - 07.04.2014**

#### **Vedtak**

Samrøystes vedteke.

## **ST 2/14 Val av to styremedlemmer til å skrive under protokoll**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Ivar Kvalen føreslo Gunnvor Sunde og Sven Flo til å underskrive protokollen.

#### **Vedtak**

Gunnvor Sunde og Sven Flo vart valt til å skrive under protokollen frå dette møtet.

Dei stadfestar då pr e-post om dei godkjenner protokollen eller ikkje, og e-postane vert lagra i sakshandsamingssystemet ePhorte. Leiar Ivar Kvalen må også skrive under.

Samrøystes vedteke.

## **ST 3/14 Orienteringar**

### **Saksprotokoll i Jostedalsbreen nasjonalparkstyre - 07.04.2014**

#### Pilotprosjektet for besøksforvaltning

Jostedalsbreen nasjonalpark vart ikkje valt ut til å bli ein nasjonal pilot i Miljødirektoratet sitt prosjekt om besøksforvaltning. Vi kom til finalen, men fekk forklaringa om at nasjonalparken sine utfordringar ikkje hadde like stor overføringsverdi til andre nasjonalparker i landet. Besøksforvaltning blir likevel eit tema i revideringa av forvaltningsplanen.

#### Status på forvaltningsplanarbeidet

Oppstartsfasen og opninga for innspel til den gjekk ut den 1. april, og det har komme mange innspel. Anne Rudsengen og Maria Knagenhjelm reiste rundt til bygdene i februar og mars for å halde bygdemøte, og til saman i møta på Veitastrond, Fjærland, Oppstryn, Olden, Jostedalen og Stardalen kom rundt 130 menneske. Styret vil få ei oppsummering av dei innkomne innspela på neste styremøte.

#### Melding til politiet om ulovleg oppsett byggverk i nasjonalparken

SNO-Jostedalsbreen har meldt til politiet eit byggverk som ikkje er registrert frå før i nasjonalparken. Saka er også sendt til Fylkesmannen i Sogn og Fjordane for spørsmål om oppretting.

Jostedalsbreen nasjonalpark har fått seg Facebook-side  
[www.facebook.com/jostedalsbreennasjonalpark](http://www.facebook.com/jostedalsbreennasjonalpark)

#### Nasjonalparkkonferansen

Det blir ingen nasjonalparkkonferanse i 2014, men hold av datoen 2.-4. september, då blir det samling for alle landets verneområdestyre på Lillehammer.

**Neste møte er den 24. juni i Fjærland, då skal styret synfare den oppgraderte stien opp til Flatbrehytta.**

### **ST 4/14 Jostedalsbreen nasjonalpark - løyve til stimerking mellom Sunndalssetra og til fylkesgrensa mot Oppland**

#### **Saksprotokoll i Jostedalsbreen nasjonalparkstyre - 07.04.2014**

##### **Handsaming i møte**

Samrøystes vedteke.

##### **Vedtak**

Jostedalsbreen nasjonalparkstyre gjev løyve etter verneforskrifta si § IV, punkt 1.3, 4. strekpunkt til å remerke stien mellom Sunndalssetra i Stryn kommune i vest til fylkesgrensa og Breheimen nasjonalpark over Kamperhamrane i aust.

Dersom Breheimen nasjonalparkstyre vurderer at tiltaket har negativ påverknad på villreinen i området om 5-10 år og ønskjer å revurdere om ruta framleis skal vere merka, vil Jostedalsbreen nasjonalparkstyre kunne trekke dette løyvet tilbake.

Merkinga bør ikkje være på fast fjell, på nyrestaureerte vardar, på gamle, særmerkte tre eller på andre viktige natur- eller kulturminne, og skal elles følgje DNT si merkehandbok.

### **ST 5/14 Jostedalsbreen nasjonalpark - løyve til filming med multikopter (drone)**

#### **Saksprotokoll i Jostedalsbreen nasjonalparkstyre - 07.04.2014**

##### **Handsaming i møte**

Samrøystes vedteke.

##### **Vedtak**

Jostedalsbreen nasjonalparkstyre gjev filmprosjektet i Fjærland v/ Pål Gran Kielland og Norsk Bremuseum & Ulltveit-Moe senter for klimaviten løyve etter naturmangfoldlova si

§ 48 til å nytte drone/multikopter til filming inne i Jostedalsbreen nasjonalpark. Løyvet har følgjande vilkår:

1. Droneflyginga gjeld for inntil 4 dagar i perioden 15. juli til 15. august 2014
2. Droneflyginga gjeld filming i områda Bøyadalen/Bøyabreen, Suphelledalen/Suphellebreen, stien til Flatbrehytta og området kring sjølve Flatbrehytta og Flatbreen.
3. De skal, så langt det er mogeleg, unngå å fly i nærleiken av fugl, turgåarar og turistar.
4. Rasteplassar, utkikkspunkt, Brevasshytta eller andre stader som turistar brukar mykje skal ikkje nyttast som base/landingsplass.
5. Statens naturoppsyn Anne Rudsengen (959 63 888) skal få melding seinast dagen før flyging.

## **ST 6/14 Jostedalsbreen nasjonalpark - løyve til ombygging av Kvannebakbu**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Samrøystes vedteke.

#### **Vedtak**

Jostedalsbreen nasjonalparkstyre gir løyve, i medhald av verneforskrifta sin § IV, punkt 1.3, første strekpunkt, til ombygging av Kvannebakbu i Jølster kommune, i samsvar med søknad, og på følgjande vilkår:

1. Kledningen skal vere av høg kvalitets furubord, tilsvarande materialet som allereie har vore brukt på resten av hytta.
2. Oppsetting av forsterkarantenne til mobiltelefon på hyttevegg/tak.
3. Alt avfall skal fraktast ned, bortsett frå reint, ubehandla trevirke som kan brennast på staden.
4. Ein kortfatta rapport med bilete skal sendast forvaltninga etter at arbeidet er utført.

Nasjonalparkstyre ser på det som mest hensiktsmessig å framleis nytte parafinovn til oppvarming av Kvannebakbu.

## **ST 7/14 Jostedalsbreen nasjonalpark - løyve til oppsetting av bru i Haugadalen**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Samrøystes vedteke.

#### **Vedtak**

Jostedalsbreen nasjonalparkstyre gir løyve, etter verneforskrifta si § IV, punkt 1.3, 3. strekpunkt, til oppsetting av ei bru langs stien over elva nedanfor Storevatnet i Jølster kommune. Brua skal byggjast av naturleg materiale som malmfuru eller liknande.

Løyvet er gjeve på vilkår om at tiltakshavarane, styret for Kvannebakkbua og Stardalen utviklingslag, har eigarskap og vedlikehaldsansvar for brua, og at rapport vert sendt styret etter at tiltaket er ferdigstilt. Dersom brua mister sin funksjon eller blir øydelagt har tiltakshavarane ansvaret for å fjerne den att.

## **ST 8/14 Jostedalsbreen nasjonalpark - løyve til helikoptertransport til Kvannebakkbua**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Samrøystes vedteke.

#### **Vedtak**

I medhald av forskrift om vern av Jostedalsbreen nasjonalpark pkt. IV, 4.3 andre strekpunkt, får styret på Kvannebakkbua v/Kjetil Flatjord løyve til å fly med helikopter til Kvannebakkbua for å frakte inn byggjematerial til utbetring inngangspartiet på Kvannebakkbua. Løyvet inkluderer også eitt hiv med brumaterial til brua over elva frå Storevatnet, med landing der brua skal settast opp.

Løyvet er gitt på følgjande vilkår:

1. Løyvet gjeld for inntil tre landingar ved Kvannebakkbua, og for ei landing ved elva der brua skal settast opp nedanfor Storevatnet.
2. Løyvet er gyldig i perioden frå 9. mai til 11. juli 2014. Det skal ikkje flygast på helgedagar og heilag dagar.
3. Helikoptertransporten skal avgrensast til det som er strengt naudsynt.
4. Under helikoptertransporten skal det takast omsyn til dyreliv og folk på tur i området, slik at ein så langt som mogeleg kan unngå å uroe desse.
5. Statens naturoppsyn v/ Anne Rudsengen (tlf. 959 63 888) skal varslast på førehand kva dagar de vil gjennomføre helikoptertransporten.
6. Jostedalsbreen nasjonalparkstyre skal ha skriftleg tilbakemelding innan 1. august 2014 om gjennomført helikoptertransport, og om de observerte spesielle høve under flyginga.

Løyvet gjeld for helikoptertransport jf. verneforskrifta for Jostedalsbreen nasjonalpark. Søkjar må også hugse å innhente løyve frå Jølster kommune og frå grunneigararar.

## **ST 9/14 Jostedalsbreen nasjonalpark - løyve til helikoptertransport til Flatbrehytta**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Samrøystes vedteke.

#### **Vedtak**

Jostedalsbreen nasjonalparkstyre gir løyve, etter verneforskrifta sitt punkt 4.3, andre strekpunkt, til Flatbrehytta v/ André Øygaard for motorisert ferdsle med helikopter for å fly proviant og utstyr til Flatbrehytta. Løyvet gjelder på følgjande vilkår:

1. Løyvet gjelder for inntil 12 turar pr. år i fire år (frå og med 2014 til og med 2017).
2. Løyvet gjeld ikkje flyging i fellesferien, i helg eller på heilagdaggar.
3. All motorferdsle skal avgrensast til det som er strengt naudsynt, og skal ha som mål å ikkje uroe dyreliv eller friluftsliv.
4. Statens naturoppsyn v/ Anne Rudsengen (mob.959 63 888) skal varslast seinast dagen før planlagt flyging.
5. Nasjonalparkstyret skal ha ein skriftleg rapport om flyginga kvart år innan 1. desember.

Løyvet gjeld for helikoptertransport jf. verneforskrifta for Jostedalsbreen nasjonalpark. Søkjar må også hugse å innhente løyve frå Sogndal kommune og frå grunneigararar.

## **ST 10/14 Jostedalsbreen nasjonalpark - midlar til forvaltning og tiltak 2014**

### **Saksprotokoll i Jostedalsbreen nasjonalparkstyre - 07.04.2014**

#### **Handsaming i møte**

Forvaltar la fram eit framlegg til diskusjon i styremøtet, basert på den vedtatte tiltaksplanen til styret og innkomne midlar via bestillingsdialogen. Styret er tildelt til saman kr 950 000,- til tiltak i Jostedalsbreen nasjonalpark i samsvar med postføremålet i statsbudsjettet.

Vedtaket vart samrøystes.

#### **Vedtak**

Fordeling av tiltaksmidlar er godkjent slik det vart lagt fram i møtet. Forvaltar kan foreta mindre justeringar av tiltaksmidlane innanfor prioriterte tiltak.

Budsjettplassering	Tiltak	Budsjettet	Vedtak i styret
SNO	Lundeskaret, sti	600 000	500 000
SNO	Oldeskaret, sti	500 000	400 000
NP-styret	Sunnalssetra, rydd	15 000	15 000
NP-styret	Tverrelva, sti	10 000	10 000
NP-styret	Krundalen, gran	40 000	30 000
NP-styret	Grøneng, bruer	60 000	60 000
SNO	Skålastien	80 000	-
SNO	Langedalen	50 000	-

**RS 1/14 Jostedalsbreen nasjonalpark - kandidat til besøksstrategi**

**RS 2/14 Miljøvedtaksregisteret og plikt til registrering av enkeltvedtak i verneområder**

**RS 3/14 Riksrevisjonens undersøkning av forvaltninga av nasjonalparker**

**RS 4/14 Jostedalsbreen nasjonalpark - rundskriv om forvaltning av verneforskrifter**